

СВЯТЫЙ ДИОНИСИЙ

АРХИЕПИСКОП
СУЗДАЛЬСКИЙ



СЛУЖБА · АКАФИСТ · ЖИТИЕ

Сборник

**Святитель Дионисий,
архиепископ Суздальский.
Служба. Акафист. Житие**

«Московское Троицкое Подворье Свято-Троицкой
Сергиевой Лавры Русской Православной Церкви»

2003

УДК 27-528
ББК 86.372

Сборник

Святитель Дионисий, архиепископ Суздальский. Служба. Акафист. Житие / Сборник — «Московское Троицкое Подворье Свято-Троицкой Сергиевой Лавры Русской Православной Церкви», 2003

ISBN 978-5-7789-0130-5

Служба о святителе Дионисии, архиепископе Суздальском, – последняя, выход в свет которой благословил Высокопреосвященнейший владыка Николай незадолго до своей блаженной кончины, последовавшей 21 июня 2001 года. Светлой памяти почившего в Бозе архипастыря посвящают издатели свой труд.

УДК 27-528

ББК 86.372

ISBN 978-5-7789-0130-5

© Сборник, 2003
© Московское Троицкое Подворье
Свято-Троицкой Сергиевой Лавры
Русской Православной Церкви, 2003

Содержание

Служба святителю Дионисию, архиепископу Суздальскому	6
На велицей вечерни	6
На утрени	8
Конец ознакомительного фрагмента.	9

Святитель Дионисий, архиепископ Суздальский Служба. Акафист. Житие

По благословению митрополита Нижегородского и Арзамасского Николая

ИЗДАТЕЛЬСТВО
МОСКОВСКОГО ПОДВОРЬЯ
СВЯТО-ТРОИЦКОЙ СЕРГИЕВОЙ ЛАВРЫ



Служба святителю Дионисию, архиепископу Суздальскому

На велицей вечерни

На Гóсподи, воззва́х: стихіры на 8, глас 5

Подобен: Рáдуйся, Живонóсный Кресте:

Рáдуйся, Кіево-Печѣрское воспитáние,/ собесѣднице и спóстнице преподóбному Сѣргию./ Рáдуйся, Нижегородския земли подви́жнице,/ преподóбных Евфíмий и Мака́рия наставниче./ Рáдуйся, Вознесѣнския обители начальниче/ и Су́здальския земли архипáстырю./ Рáдуйся, о всей земли Россійстей тёплый моли́твенниче/ и пред Бóгом надёжный заступниче./ Рáдуйся, святителю óтче Дионі́сие.

Рáдуйся, Великія Лáвры óтрасле духовная,/ смире́нием, терпе́нием и постóм всех удививый./ Рáдуйся, на брегахъ Вóлги обитель чúдную основáвший/ и храм Вознесѣния Господня устроивый./ Рáдуйся, множество иноков собравый/ и начальником от Христа́ над ними поставленный./ Рáдуйся, двана́дцать иноков на проповедь Ева́нгелия послáвший/ и во страны и грады верхняя направивый./ Рáдуйся, святителю óтче Дионі́сие.

Рáдуйся, святителю óтче Дионі́сие,/ Су́здальския страны хранителю./ Рáдуйся, молящимся крѣпкое уповáние/ и христиáном мúдрый учителю./ Рáдуйся, Правослáвия ревнителю/ и благочестія хранителю./ Рáдуйся, ереси стригóльников обличителю/ и неустáнный в трудѣхъ святителю./ Рáдуйся, всем нам заступниче необоримый/ и пред Бóгом тёплый предста́телю.

Рáдуйся, Цѣркве Правослáвныя свѣтлое украшѣние/ и Христовыхъ заповедей извѣстный хранителю./ Рáдуйся, земна́го отѣчества на́шего свѣтлое ра́дование/ и заблúждших к свѣту богопознáния путево́дителю./ Рáдуйся, мона́хов предивный наставниче/ и мирскихъ человекъ тёплый заступниче./ Рáдуйся, Су́здальскаго уде́ла украшѣние/ и Нижегородскаго края удо́брение./ Рáдуйся, я́ко Россійския земли светозáрное свети́ло явился еси/ и храм Дúха Всесвята́го обрѣлся еси́./ ра́дуйся, предивный иерáрше Дионі́сие.

Рáдуйся, во епископа Нíжняго Новáграда поставленный./ осия́нием добродѣтелей христиáнскихъ всеукра́шенный./ Рáдуйся, от ереси стригóльниковъ зашúтнице мúжественный/ Цѣркве и всея земли Россійския явивыйся./ Рáдуйся, иже Божѣственною ре́вностию распала́емый./ разорил еси́ тьму еретическаго нечестія./ Рáдуйся, мúдростию словѣс твоихъ кня́зя мúжески обличивый,/ правослáвныя закóны утвержда́я./ Рáдуйся, в Константи́не гра́де всех своими добродѣтелями удививый/ и за ре́вность вѣлию о Гóсподе/ митрополі́том Рúсскаго земли поставленный./ святителю óтче наш Дионі́сие,/ ты же моли́ся о спасѣнии душъ на́ших.

Сла́ва, глас 6

Великія Кіево-Печѣрския Лáвры óтрасль духовная был еси́,/ на реку́ Вóлгу с ико́ною Бóжия Мáтере пришѣл еси́/ и на ея брегахъ, близ Нíжняго Новáграда, чúдную обитель устроил еси́./ постóм, моли́твою, слезáми весь край сей освятивый/ и множество иноков в ней собравый,/ духовно возрастивый и во а́нгельский образъ посвятивый/ Евфíмий преподóбнаго и Мака́рия досточуднаго./ с нимиже моли́ся, святителю óтче Дионі́сие,/ дарова́ти нам вѣлию мило́сть.

И ны́не, Богорóдичен: Кто Тебѣ не ублажит:

Вход. Прокімен дне. Чтения три.

Притчей чтёние (главы 3 и 8); Притчей чтёние (главы 10 и 11); Премудрости Соломоновы чтёние (глава 4).

На стиховне стихіры, глас 1

Подобен: Небесных чинов: Предивный иерарше Дионисие,/ житием со Христом соединился еси,/ чресла любовью препоясал еси,/ смиренных путь познал еси,/ светильник веры украсил еси/ елем милосердия и милости./ Тем с мудрыми вшел еси в Небесный Чертог,/ идеже, предстои Владыце Христу,/ молися, да услышим вопль, призывающий в полунощи,/ и вси изыдем готовы в сретение Ему.

Стих: Священницы Твой облечутся в правду,/ и преподобнии Твой возрадуются.

Вмале был еси верен, преблаженне Дионисие,/ над многими ты постави Господь,/ темже и прославился еси/ добродетельнаго жития образом,/ Того законоположением последуя,/ яко истинный делатель винограда Христова явился еси/ и возшел еси в радость Господа твоего,/ Емуже ныне предстои, молишися о душах наших.

Стих: Блажен муж, бояйся Господа,/ в заповедех Его восхощет зело.

Ревнителю благочестия,/ изрядный делателю винограда Христова,/ Священных Писаний совершенный познателю,/ преданием прилежный исполнителю,/ ихже приял еси от Христа Бога/ и святых Его апостолов,/ темже явился еси светильник Церкви, святителю Дионисие,/ не престаи моляся о всех, к твоей помощи прибегающих.

Слава, глас 6

Мирский мятеж оставил еси/ и взем крест, последовал еси Христу,/ преподобных Антония и Феодосия/ ученик добродетельный явился еси,/ Бога возлюбивый всем сердцем,/ тесным путем шествовал еси,/ любовь Христовою утверждаяся,/ и ныне, на свое стадо с Небес взирая,/ молися Господеву помиловатися душам нашим.

И ныне, Богородичен: Творец и Избавитель:

Тропарь, глас 8

Православия ревнителю,/ благочестия наставниче,/ ищущим спасения добрый кормчиче,/ монашествующих богодухновенное украшение,/ богоноснаго Евфимия собеседниче, святителю Дионисие,/ учёными и добродетельми отечество твое просветил еси,/ не забуди нас, чтущих тя,/ но в мире управи живот наш.

На утрени

**На Бог Господь: тропарь святого, дважды.
Слава, и ныне, Богородичен.**

По 1-й стихологии седален, глас 8

Равноангельно во обители Печерстей пожил еси,/ преподобных отец житию последовав./ и обитель яко град на горах поволжских основал еси,/ в нейже множество иноков собрав,/ образ им для подражания явился еси./ Ныне же, предстою Престолу Владыки всех, преподобне Дионисие,/ испроси мир миру, стране Российской утверждение/ и спасение душам нашим.

Слава, и ныне, Богородичен

Дева Всенепорочная, Пресущественнаго Бога рождающая человеком,/ со преподобным Того непрестанно моли о нас,/ согрешений оставление и жития исправление нам прежде конца даровати,/ верую поющим Тя по долгу, Единая Всепетая.

По 2-й стихологии седален, глас 4

На земли, яко Ангел, с плотию пожил еси,/ святителю Христов Дионисие,/ добродетельным житием украсився,/ молитвою с Богом соединився,/ бдением от напастей враг сохранив-ся,/ труды милосердия весь освятився и над страстьми воцарився,/ темже пришедше ко Владыце Христу,/ моли верно чтущим тя грехов оставление даровати/ и велию милость подати.

Слава, и ныне, Богородичен

Божественная была еси сень Слова, Единая Пречистая Дева,/ чистотою Ангелы превосходящая,/ мене, паче всех перстию бывшего, осквернена плотскими прегрешеньми,/ очисти Твоими молитвами,/ Божественными водами омывающи и подающи, Чистая, велию милость.

По полиелеи седален, глас 1

Яко звезда днесь пресветла, святителю отче Дионисие, от Киева Великаго возсиял еси/ и Церковь Божию своими добродетельми украсил еси,/ сердца просвещаящи всех к твоему заступлению притекающих;/ души верую и любовьию ты песнословящих николиже во своих молитвах не оставляеши;/ страстей и козней диавольских свобождаеши всех чествующих святую память твою.

Слава, и ныне, Богородичен

Яко всем скорбящим истинное утешение/ и заблуждшим от истиннаго пути правое наставление,/ предстани скоро нам, Пречистая Богородительнице,/ и люте обидимых от напастей избави./ Вся бо можеш, елико хощеш/, имущи дерзновение к Сыну Своему и Богу./ Егоже умоли Матерними Своими молитвами,/ согрешением прощение даровати/ благочестно-мудренно почитающим Рождество Твое.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.